



KOMUNIKADO PA PRENSA

<i>Fecha</i>	<i>PR-Minister</i>	<i>Email</i>	<i>Nr.</i>
24 -8- 2014	Nathalie Martina	nathalie.martina@ministervvrp.com	

Minister Balborda HUNTU KU Lionel Freitas I FAMIA, a duna inisio na e trayekto di limpiesa i mantenshon di Sunset Beach Hotel & Marina na Santa Martha.

Willemstad - Minister Balborda huntu ku , Lionel Freitas, a duna inisio na e trayekto di limpiesa i mantenshon di Sunset Beach Hotel & Marina na Santa Martha.

Famia, amigu konosínan i henter komunidad a djòin huntu riba djabièrnè 22 di augustus ku a pasa, pa presensia e fase nobo di e proyekto ku ántes tabata konosí komo “Coral Cliff”.

Famia de Freitas ta uni komo famia, un biaha mas pa desaroyá e proyekto aki ku un “lift” kompletamente nobo ku akomodashonnan di bungalow, restorant, marina, kasino, diskotèk ,playground ,negoshinan i hasta un sentro pa diabetikonan dialisá.

Durante di e evento Minister di VVRP sr.Earl Balborda a amplia riba balor di proyektonan ku ta duna nos mes hendenan trabou i ku su ministerio ta habri tur posibilidat pa duna e aprobashonnan i rekomendashonnan nesesario pa sigui enkurashá empresarionan lokal. Sr. Lionel Freitas a mustra e apresiá grandi ku e famia tin pa tur stakeholder lokal ku a mustra konfiansa, no ku palabra so, pero ku hecho na e proyekto grandi aki.

E siguiente fase ta tuma lugá fin di aña ku ta kuminsá prepará pa e trayekto di konstrukshon ku ta kuminsá den 2015. E fase di desèmber pa yanüari, lo krea oportunidat di trabou pa habitantenan di Banda Bou, ku ta e proménan ku a kere den e proyekto noble aki.

Minister Balborda ta sumamente orguyoso i kontentu ku e proyekto aki ku lo krea kupo di trabou pa diferente hendenan den nos komunidad, prinsipalmente e habitante nan di Bandabao. Minister Balborda ta sigi kumpli ku su pueblo trahando na su bienestar en general.